



UNIVERSITÄTS-  
BIBLIOTHEK  
PADERBORN

**Vitæ Sanctorum Sacris per singulos anni dies  
Meditationibvs illustratæ**

**Paderbornæ, 1697**

S. Pvdens. Cum liberis suis Novato, Timotheo, Pvdentiana & Praxede. 20.  
Junii.

---

[urn:nbn:de:hbz:466:1-62968](#)

S. P V D E N S.  
Cum liberis suis  
NOVATO, TIMOTHEO,  
PUDENTIANA &  
PRAXEDE.

20. Junii.

*Si quis autem suorum, & maxi-  
mè domesticorum curam non ha-  
bet, fidem negavit, & est infideli  
deterior. 1. Tim. 5. cap. 8. v.*

**N**on jam Priamum aut Nioben Græ-  
cus Patnassus cantet in funera sua fæ-  
cundos. At nos PUDENTI Senatorii ordi-  
nis Romæ viro, NOVATUM & TIMOTHEUM  
filios geminos, totidemque filias, Puden-  
tianam & Praxedem gratulamur, omnes  
cum ipso patre coelo insertos. Et felicita-  
tem hanc tam sancta familia Ducibus Apo-  
stolorum DD. Petro & Paulo debet, qui  
post hospitii tesseram Pudentem sacris un-  
dis admoverunt, & uti animum, ita animi  
socium corpus candida veste induerunt. Et

Ee 3

servavit

Et servavit ille utramque ab omni labore eximiā, ædesq; suas commune miseris hospitiū fecit Demortui virtutes hæreditario jure sibi debitas liberi certatim involarunt, quamvis vivente & arridente patre idem jam fecerant. Ædes in templum versæ; patrimonium in pauperes dilapidatum; tota familia (capita numerabat XCVI.) omnis sacro fonte lustrata; latebræ afflictis Christianis date: firmati nutantes, roborati morientes; mortui terrâ tumulati: sacra à Novato & Timotheo fratre omnibus ministrata. Deniq; non jam in templū tantum, sed cœlū migrasse domum tam sanctam dixisses. Certè cœlo digna judicata est nobilissima hæc familia; in quam utinam more veteri transire ignobiles nos terræ filii aliquando possimus.

*Ex Ferrar.*

M E D I T A T I O  
*De Sanctitate boni Patris familias  
& domesticorum ejus.*

**S**PUDENTE vix alius sanctius testamentum constituit. Pauperes suarum divitiarum: Liberos virtutum, & Christum dominus suæ hæredem reliquit: quæ mox non tantum in templum, sed in cœlum etiam conversa videbatur, tam san-

Et nobilissima hæc familia in illa vivebat. Ut tu quoque inter domesticos Dei numereris, præ omnibus Deum Patrem tuum credere, & fiducialiter panem quotidianum ab eo pete, querens ante omnia regnum Dei, & cætera adjicet, ipse enim, sic curat unumquemque nostrum. *velut solum curat, & sic omnes, tanquam singulos.* S. Aug. lib 2. conf. cap. 11. voca igitur Deum Patrem, & da operam quatenus tibi sit cœlesti vita, divini mores, & forma Dei quia cœlesti Pater respondentes generi suo filios muneribus dicit divinis, degenerantes ad pœnalem revocat servitutem S. Chrysol. Serm. 71.

2. Quam ampla illa familia S. PUDENTIS (capita numerabat 96) & omnis sacro fonte abluta est. Credidit ipse & domus ejus tota, tanti interest ad Sanctitatem familie rectorem domus sanctum esse, si Rector non fueris in domo constitutus, imitare Filiorum S. Pudentis virtutes, fac ut quantum in te est vigeat in domo misericordia S. Novati cultus divinus S. Timothei! Obedientia reverentialis erga præpositos S. Pudentianæ, Industria S. Praxedis in omnibus fraterna charitas.

3. Perpende in quibus domibus, Christus in terris versatus, libentius diverterit, nimirum in stabulo Bethlemitico, ubi opum & voluptatum luxus abest; in domo Nazaræâ, ubi JESUS

MARIA JOSEPH. Virginum  
flores habitant.

Ecc 4.

B. ALOY-